



THUSO I BVAHO TADULU

Yo dzudzanywa
nga Watson Goodman

A i Rengiswi

THUSO I BVAHO TADULU

“THUSO I BVAHO TADULU” ndi khuvhanganyo ya ndimana dza mañwalo dzi anđanaho nga t̄hoho dzi bvaho kha zwipida zwo fhambanaho zwa bivhili. Ndi a tenda uri ngoho vhukuma ya mañwalo ndi bivhili nga yothe.

Iphi la Mudzimu li bva tadulu nahone li a thusa kha mbilu dzine khadzo u tama u luga ha nga ndala na dora musi muthu a tshi rembuluwa u laṭa vhuvhi a ramba Murena Yesu uri a de a dzule Mbiluni yawe a tenda nga mbilu yawe yothe zwa uri Murena Yesu Kristo ndi ene Mutshidzi, Murena u do didzumbulula kha onoyo Mutendi a mu nea dakalo na mula-lo mbiluni yawe. Ndo tshenzhela izwi nga 1937, nahone u bva tshe nda mutanganedza, vhukonani hanga na ene vhu tshe vhuhulwane. Ndi a ni t̄utuwedza u d̄inekedza ha Ene sa Mutshidzi na Murena wañu NAMUSI, arali no vha ni saathu.

—Watson Goodman

LUFUNO LWA MUDZIMU

1

Lufuno lwawe lwa u ri funa, Mudzimu u lu vhonadza nga nge Kristo a ri fela ri tshee vha-ita-zwivhi. —Vha-Roma 5:8

Yohane 13:1

Vhutambo ha Paseka hó swika, Yesu a tshi divha zwauri tshikhathi tshawe tsho swika tsha u tuwa fhanó shangoni na u ya ha Khotsi, a dzula a tshi funa vhawe u swika vhufheloni vhunga ó di vha funa e fhanó shangoni.

Ndzumbululo 1:5

Na kha Yesu Kristo, Ene thanzi i fulufhedzeaho, Ene tanzhe kha vhafu, Ene Khosi ya mahosi a shangoni, Ene we a ri funa, a ri tanzwa zwivhi nga malofha awe.

Mudzimu o funa shango zwi-ngafha-ngafha, a vhuya a nekedza Murwa wawe mu-bebwa-ethe, uri vhothe vha mu tendaho, vha si lovhe, tshavho hu vhe u tshila tshothe. —Yohane 3:16

Yeremia 31:3

Yehova ndo mu vhona nga kule, a ri: “Hone, ndo U funa nga lufuno lwa lini na lini; ndi zwone zwe nda itela zwone ndi tshi fareledza tshilidzi tshanga kha iwe”.

1 Yohane 4:10

Ndi hone kha lufuno: A si uri rine ra funa Mudzimu, aiwa, ndi nge Ene a funa rine, a ruma Murwa wawe uri a vhe tshipfumelo tsha zwivhi zwashu.

2 VHUHULWANE HA MURENA YESU KRISTO

I Timotheo 3:16

A tshi hanedzei, ndi tshihulu, tshiphiri tsha hafho hu luvhiwaho Mudzimu: “We a vhonadzwa namani; o vhonala u luga hawe Muryani, o vhonwa nga vharuwa, awe o huwelelwa kha dzitshakha, o tendwa shangoni, a dovha a tanganedzwa vhurenani.”

Mateo 1:22, 23

Huno izwi zwothe zwi itwa uri hu khunyelele zwe Mudzimu a amba nga muporofita, a ri: “Vhonani musidzana o vha muthu wa thovhela; u do beba murwa, ané vha do mu ira dzina la Imanuele, ndi line la ri: Mudzimu u na rihe.”

Yohane 14:9, 10

Yesu a amba nae' a ri: “Tshee nda dzula na inwi! iwe a U athu u ndivha, Filipino? A vhonaho nne, u vbona Khotsi.” Naa U amba hani U Tshi ri: “Ri sumbedze Khotsi? Naa a U tendi uri nne ndi kha Khotsi, na are Khotsi u kha nne?”

Yohane 1:1 absent 14

U rangani Ipfi o vha e hone; huno Ipfi o vha e ha Mudzimu; huno Ipfi o vha e ene Mudzimu. ... Ipfi a shanduka a vha nama, a fhata mushasha kha rihe; ra vbona lupenyo lwawe, lupenyo lune lwa vha lwa Murwa mu-bebwa-ethe nga Khotsi, o dalaho tshilidzi na mafhungongoho.

YESU, MURWA WA MUDZIMU

3

I Yohane 4:15

Onoyo, ané a bula zwauri Yesu ndi Murwa wa Mudzimu, Mudzimu u dzula khae', ene a dzula Mudzimuni. Ripe lufuno lwe Mudzimu a ri funa ngalwo' ro lu t̄alukanya ro lu tenda.

Vha-Kolosa 2:9

Atsina kha Kristo u khunyelela u vha Mudzimu hothe ho fhatela khae' lwa tshivhili.

Yesaya 9:6

Vhuhosi hawe ndi ha u do ya kule; mulalo wawe a u nga fheli kha khulunoni ya Davida na kha muvhuso wawe; u do u khwathisa a u tika nga kuvhusele kwakwo na

nga zwivhuya zwino na lini na lini. Zwenezwo zwi do itwa nga vhuhali ha Yehova wa Mavhuthu.

Luka 1:35

Muruwa a fhindula a ri: Muya mukhethwa u do da kha iwe; maanda a Wa-Tadulu-tadulu a do vha murunzi wau; ndi zwiné Mukhethwa ane a do bebiwa nga iwe a do pfi Murwa wa Mudzimu ngazwo'.

Mateo 17:5

A tsha di amba ha da gole li penyaho la vha tsireledza; huno ipfi la bva kha gole la amba la ri: Hoyu ndi Murwa wanga, ané nda mu funa, ané nda mu takalela; ni mu thetshese!

Ene a ri: Inwi ni vha fhasi; nne ndi wa tadulu. Inwi ni vha shango lino, huno nne a thi wa shango lino. —Yohane 8:23

Yohane 11:25

Yesu a amba nae' a ri: U vuwa na vhutshilo ndi nne; a ntendaho u do tshila naho a tshi fa.

Yohane 13:13

Ni tshi nyamba ni ri: Mufunzi, na Murena, hone ni tshi amba zwone, ngauri itali e nne.

Yohane 9:5

Zwino ndi kha di vha shangoni, ndi tshedza tsha shango.

Yohane 6:35

Yesu a ri: Ndi nne vhuswa ha vhutshilo. A daho ha nne ha tsha

do dovha a pfa ndala; a tendaho nne ha tsha do dovha a pfa dora.

Yohane 8:58

Yesu a amba navho' a ri: Ngoho, ngoho, ndi a ni vhudza: Abrahama á sathu u vha hone, nne ndo vha ndi hone.

Yohane 4:25, 26

Musadzi a ri: Ndi a divha zwauri Messia u do da, ane a pfi Mudodzwa; ndi ene ane a do ri ó da, a ri vhudza zwothe. Yesu a mu vhudza a ri: Onoyo ndi nne ndi ambaho na iwe.

Yohane 10:7

Yesu a dovha a vha vhudza a ri: Ngoho, ngoho, ndi a ni vhudza, ndi nne munango wa dzinngu.

A laedza a ri: vhathu vha dzule fhasi hatsini, a dzhia zwiḷa zwinnkwa zwiṭanu na dzila khovhe mbili a lilala ṭadulu a livhuha a ṅwata a ṅea vhafunziwa zwiḷa zwinnkwa, vhone vha ṅea mavhuthu. Vhoṭhe vha ḷa vha fura; vha kuvhanganya matshakatshaka a zwinnkwa, vha ḍadza zwirundu zwi ná fumi na zwivhili. Vho ḷaho vho vha vhe vhanna vho ngaho vha swika maḍana a mahumi maṭanu, hú so ngo vhalwa vhasadzi na vhana. —Mateo 14:19-21

Luka 5:5, 6

Petro a fhindula a ri: Thovhela, ro ḍi-netisa vhusiku hoṭhe ri si wane tshithu. Huno vhunga wó no

amba, mammbule ndi a a ṭharamudza. Musi vho no ralo vha putela vhunzhi ha khovhe nzhi; mammbule avho a kheruwa.

Mateo 20:30 absent 34

Vha vhona mabofu mavhili ó dzula tsini ha ndila. Vha tshi pfa zwauri Yesu u khou fhira, vha vhidzelela vha ri: Murena, Murwa-Davida, ri khathutshele! . . . Yesu a vha pfela vhuṭungu, a kwama maṭo avho; maṭo avho a mbo ḍi vhona; vhone vha mu tevhela.

Musi uyo vha ḍisa muthu we a vha e na muya muvhi, é bofu ḷa tshimuma. Yesu a mu fhodza; muthu uyo a kona u amba na u vhona. —Mateo 12:22

6 YESU KRISTO NDI ENE MUSIKI NA MURENA

Vha-Roma 14:9

Ngauri Kristo, u fa na u dovha a tshila o itela uri a do vha Khosi ya vho faho na vha tshilaho.

Yohane 1:3

Zwothe zwo vha hone nga ene; huno a huno na tshithihi tshe tshi si vhe hone nga ene.

I Vha-Korinta 1:9

Mudzimu u a fhulufhedzea we na vhidzwa nga ene, ni tshi vhidzelwa uri ni farakane na Murwa wawe Yesu Kristo, Murena washu.

Vha-Kolosa 1:16

Ngauri zwithu zwothe zwi tshi sikiwa, ndi nga ene, hu' zwa tadulu na zwa kha lifhasi, zwi

vhonalaho na zwi sa vhonali, hu' na dzikhulunoni na vhurena na mivhuso na vha maanda, zwothe zwo sikiwa nga ene, zwo sikelwa ene.

Vha-Heberu 1:2

Mudzimu . . . Vhufheloni ha ano maduvha o amba na rine e kha Murwa, we a mu vhea uri a vhe mu-la-ifa wa zwothe, ene we na hone a ita ngae' zwo tandulukana ho zwi tshi vha hone.

Mishumo 2:36

Zwino lushaka lwothe lwa Isiraele nga lu zwi pfese zwauri Yesu onoyo we na mu vhamba, Mudzimu o mu ita uri a vhe Murena, a vhe Kristo.

YESU KRISTO NDI MUHATULI WA VHOTHE 7

Vha-Roma 14:10

Iwe-ha U netshela'ni mulandu murathu wau? Iwe muiwe, U nyadzela'ni murathu wau? Huufha rothe ri tshi do sengiswa khoroni ya Kristo!

Mateo 25:32

Hu do kuvhangana tshakha dzothe phanda hawe, ene a vha khethekanya vhunga mulisa a tshi khethekanya nngu na mbudzi.

Vha-Roma 2:16

Hu na duvha line Mudzimu a do sengisa ngalo' zwo dzumbamaho zwa vhathu; u amba ha Ewangeli yanga nga Yesu Kristo.

Yohane 5:22

Ngauri Khotsi ha sengisi mu-
thu; khatulo yothe o i kumedza
Murwa.

II Timotheo 4:1

Ndi a tanzuela nda dovha
phanda ha Mudzimu na Kristo
Yesu, ane a do da u sengisa vha
tshilaho na vha faho, na nga u do
vhonala hawe na nga vuhosi
hawe.

Mishumo 10:42

O ri laedza u huwelela kha
vhathu na u vha tanzielela nga
maanda zwauri ndi ene muhatuli
wa vha tshilaho na vho faho we a
vhewa nga Mudzimu.

8 KHANGWELO NGA KHA KRISTO FHEDZI

Yohane 10:9

Munango ndi nne. A dzhenaho nga nne u do tshidzwa; u do ita a tshi dzhena a tshi bva a wana mafulo.

Yohane 14:6

Yesu a mu vhudza a ri: Ndi nne ndila na mafhungo-ngoho na vhutshilo; a huna ane a da ha Khotsi, arali a sa di nga nne.

Yohane 8:24

Ndi zwe nda ni vhudza ngazwo nda ri: ni do fela zwivhini zwanu; ngauri na sa tenda zwauri ndi nne, ni do fela zwivhini zwanu.

Vha-Heberu 7:25

Ndi zwone zwiné a kona ngazwo' u tshidza tshothe havho vha

swikaho nga ene Mudzimuni; u di tshila na lini na lini e wa u ri pfumelela.

Vha-Heberu 5:9

A ri o vuledza zwothe a vha ene ané vha mu pfaho a vha isa kha u tshidzwa tshothe.

Mishumo 4:12

Huno a huna u tshidzwa kha muñwe, na hone tsini ha litadulu a huna linwe dzina le la nekedzwa vhathu, line la pfi ri tshidzwe khalo'.

I Vha-Thesalonika 5:9

Ngauri Mudzimu ha ngo ri vhe-tshela mbiti yawe, o ri vhetshe-la uri ri wane u tshidzwa nga Murena washu Yesu Kristo.

KHANGWELO NGA KHA KRISTO FHEDZI 9

I Vha-Korinta 1:30

Hone nga ene inwi ni kha Kristo Yesu, we Mudzimu a mu ita vhuṭali hashu na u luga na vhu-khethwa na mbofhololo.

Tito 2:14

We a di-nekedzela rine, uri a ri rengulule vhutshinyini hoṭhe, uri a di-tanzwele lushaka luné lwa vha lwawe vhukuma, lune lwa fungelela mishumo mivhuya.

Vha-Kolosa 1:12-14

Ni tshi di renda Khotsi we a ni ita vho fanelwaho nga mukovhe wa ifa la vhakhethwa vha re tshedzani. Mu rendeni, ene we a ri ṭomola maandani a swiswi, a ri

pfulusela muvhusoni wa Murwa-mufunwa wawe. Ndi ene ané ra wana u rengululwa khae', ndi amba u hangwelwa zwivhi.

Ndzumbululo 5:9

Vha imba luimbo luswá vha ri: Zwo U lingana u dzhia bugu na u pfunulula mapfundo ayo, ngauri wo vhulahwa; nga malofha au wa rengululela Mudzimu vhatu vha tshakha dzoṭhe, vha ndimi dzoṭhe, vha hau na vhotsinda vhoṭhe.

Luka 19:10

Ngauri Murwa-muthu o ḍa u ṭoda na u tshidza vho xelaho.

10 U TANZWIWA NGA MALOFHA A KRISTO

Vha-Roma 5:9

Zwino-ha ró itwa vho lugaho nga malofha awe, zwino ro no simesa u vha vho tshidzwaho kha mbiti nga malofha awe.

Vha-Efesa 1:7

We ra wana khae' u vhofoholo-
lwa nga malofha awe, ndi amba u
hangwelwa vhutshinyi, nge a vha
ene o pfumaho tshilidzi.

I Petro 1:18, 19

Ni zwi ñivhe, zwauro a no ngo
rengululwa nga zwi fhelelaho,
vhunga maseha na musuku, uri
ni bve kha maitele anu a fhedzi e
na a wana kha vho-khotsi, No
rengululwa nga malofha a thengo

khulu a Kristo, ane a nga a
ngwana, i sí na luvhadzi na
tshilavhi.

I Yohane 1:7

Huno arali ri tshi tshimbila
tshedzani, sa Ene e tshedzani, ndi
hone ri vhathihi, malofha a Yesu
Kristo, Murwa wawe, a ri tanzwa
zwivhi zwothe.

Vha-Heberu 9:14

Malofha a Kristo we a ñi-
nekedza Mudzimu nga muya u sa
fheliho á si na hu soleaho, a ño
fhirisa zwingafhani u tanzwa
dzimvalo dzashu, dza bva mi-
shumo yo dzulaho yó fa, ra yo
shumela Mudzimu a tshilaho.

U TSHIDZWA NGA LUTENDO KHA KRISTO 11

Vha-Efesa 2:8, 9

Ngauri no tshidzwa nga tshilidzi, zwi tshi bva u tendani, a no ngo tou di-ita, no tou fhiwa nga Mudzimu. A zwo ngo bva kha mishumo yaṅu uri hu sa do vha na ané a do zuwa.

Vha-Roma 5:1

Zwino ró itwa vho lugaho zwi tshi bva u tendani, ro pfumedzanywa na Mudzimu nga Murena washu Yesu Kristo.

I Yohane 5:4

Ngauri zwoṅhe zwo bebwaho nga Mudzimu zwi kunda shango. Na zwino gundo lo kundaho shango asili: Ndi lutendo lwashu.

Vha-Galata 5:6

Ngauri kha Kristo hu' u vha a sóngo rubaho hu' u vha o rubaho, zwoṅhe a zwi koni tshithu, tshi konaho ndi u tenda huné ha di-sumbedza nga lufuno.

Yohane 20:31

Huno izwi zwo nwaliwa uri ni tende zwauri Yesu ndi ene Kristo, ndi ene Murwa wa Mudzimu, na uri ni tshi tenda ni vhe na vhutshilo dzinani lawe.

Vhone vha amba vha ri: Ri do ita hani uri ri shume mishumo ya Mudzimu? Yesu a vha fhindula a ri: Mushumo wa u shumela Mudzimu ndi uri ni tende we a mu ruma.
—Yohane 6:28, 29

Vhunga litadulu lo hula ntha ha lifhasi, na vhuthu hawe ho ralo vhu tshi ita maanda kha vhané vha mu ofha. —Dzipsalme 103:11

Dzipsalme 103:17

Hone vhuthu ha Yehova ndi ha kale na kale, vhu do vha ha lini na lini, ho livhana vhané vha mu ofha. U lulama hawe hu do vhone wa nga vhana vha vhana.

Mixa 7:18

Mudzimu ane a nga iwe u nga-fhi, ane a hangwela milandu, a litsha u lifhedza dziphambuwo dza masalela a vhatu vhawe, a sa dzuli o bilufhala lini na lini, ane tshawe ha vha u difhelwa a tshi khathutshela.

Ngauri tshilidzi tshau ndi tshihulu, tshi swika ngei tadulu, u fulufhedzea hau hu guma nga makole. —Dzipsalme 108:4

Zwililo 3:22, 23

Ndi nga vhuthu ha Yehova ri songo tou lovha tshothe, ndi ngauri khathutshelo yawe i si fhele. Khathutshelo yawe i di vuwa i ntswa li tshi tsha; u fulufhedzea hawe ndi huhulu.

Tito 3:5

Ho ngo ri tshidzela mishumo ya u lugani ye rine ra i ita, o ri tshidza nge a ri khathutshela. O ri tshidza nga u ri tambisa madi a u bebwa hafhu, na a u ri ita vhaswa nga Muya-mukhethwa.

MUDZIMU URI KWENGWELEDZA U DA HA ENE

13

Idani ha nne nothe no netaho,
no lemewaho; nne ndi do ni awe-
dza. —Mateo 11:28

Hee, nothe ni na sakha! Idani
madini, Na inwi ni si na mali!
Idani ni renege ni le. Idani ni renege
veine na mukhaha nahó ni si ná
mali, ni si ná tsha u renga ngat-
sho'. —Yesaya 55:1

Yohane 7:37

Nga duvha la u vuledza vhuba-
mbo le vha li lone lihulu Yesu a
ima a vhidzelela a ri: A re na dora
nga a de ha nne a nwe.

Ndzumbululo 22:17

Muya na muselwa wa ri: Idá! na
a zwi pfaho nga a ambe a ri: Idá!

Na a re na dora nga a de, a funaho
nga a tanganedze madi a vhu-
tshilo nga fhedzi.

Yesaya 1:18

Idani-ha ri rovhedzane! U ralo
Yehova. Naho zwivhi zwanu zwó
tswuka sa muridili, zwi do tshena
zwa nga mahada; naho vhukhwi-
vhillu zwi tshi fana na luvhundi,
zwi do nga mudali.

II Vha-Korinta 5:20

Zwino-ha ri vhadinda tshiimoni
tsha Kristo, ngauri Mudzimu ndi
tshiifa a tshi kwengweledza nga
rine, ri khou humbela ri tshiimoni
tsha Kristo ri ri: Tendani u
pfumedzanywa na Mudzimu.

14 A SI VHOṬHE VHA NE VHA VHA VHANA VHA MUDZIMU

I Yohane 3:10

Ndi zwone zwiné muthu a ṭalu-
kanya ngazwo' vhana vha Mud-
zimu na vhana vha Sathane. Mu-
thu ané a si ite zwo lugaho ha bvi
Mudzimuni, u ḡi nga a sá funi vha
hawe.

Vha-Roma 8:14

Ngauri vhenevho vhané vha te-
nda u khadiwa nga Muya wa
Mudzimu, ndi vhone vhana vha
Mudzimu.

Vha-Filipi 2:15

Uri ni vhe vha sá solei vha so
ngo piringanaho, vhana vha Mud-
zimu vha sá nyadzisi vhukati ha
lushaka lwo kombamaho lwo ḡi-

shandaho, luné na vho-inwi ni
vhonetshelaho vhukati halwo sa
madenzhe shangoni.

II Vha-Korinta 6:17, 18

Ndi zwone, ibvani vhukati
havho ni sendele kule, u ralo
Murena; ni songo kwama dzit-
shikha, ndi hone ndi tshi ḡo ni
ṭanganedza. Huno nne kha inwi,
ndi ḡo vha Khotsi, inwi na vha
vharwa na vhananyana vhanga, u
ralo Murena Mu-kona-zwoṭhe.

Yohane 1:12

Hone, vhoṭhe vho mu ṭangane-
dzaho a vha nea maanda a u vha
vhana vha Mudzimu; ndi avho
vho tendaho dzina ḡawe.

ZWINE MUDZIMU A AMBA NGA ZWIKAMBI 15

Nga ri tshimbile tshidele sa vhatshimbila-masiari. Ri songo tshimbila nga u lesa na nga u kambiwa, ri songo tshimbila nga vhutondolo na nga u silinga, ri songo tshimbila nga khani na nga vuhali. Hone ambarani Murena Yesu Kristo, huno nama, ni tshi i vhavhalela ni songo i vhavhalela zwiné ya vhuya ya vha na dzinyemulo. —Vha-Roma 13:13, 14

Ngauri mishumo ya nama i khangala, a siyi: Vhupombwe, vhuyada, u tambela zwithu, U shumela midzimu i sili, vhuñanga huvhi, vhuswina, khani, vuhali, dzimbiti, dzinndwa, dziphambano, u vhangisana, vivho, u ponda, u kambi-

wa, vhupangwa na zwine zwa nga zwenezwo, zwiné nda di ni vhudza vhunga ndó ni vnudza na kale nda ri: vha ita zwauralo a vha nga li vhufa ha vuhosini ha Mudzimu. —Vha-Galata 5:19-21

U songo vhona tuvhu u naka, li litshena li khavhoni, li tshi nga a li na mulandu. Ngavhuya li yo luma vhunga nowa; li U pfelamare a vhutungu vhunga phakhu-phakhu. —Mirero 23:31, 32

Yesaya 5:11

Khombo dzi do dela avho vhane vha fhindutshela u toda zwi kambaho, vha dzulela zwo vhilaho ha vhuya ha vha vhusiku, zwa vhuya zwa vha kamba.

16 U FULUFHEDZEA FHEDZI A HONGO LINGANA

Mateo 22:37, 38

Ene a amba nae' a ri: Hu pfi: Funa Murena Mudzimu wau nga mbilu yau yothe na nga muya wau wothe na nga u talukanya hau hothe! Ndi wone mulayo muhulwane wa phanda ha miwe.

Mark 10:17-22

... Mufunzi wavhudi! Ndi do ita mini uri ndi le ifa la vhutshilo vhu sa fheli? Yesu a ri: Ndi mini U tshi nyamba, wa ri: wavhudi? A huna wavhudi arali e si Mudzimu fhedzi. Milayo yone U a i divha, ya u ri: U songo vha phombwe, U songo vhulaha, U songo tswa, U songo amba vhutanzi ha u zwifha,

U songo fhura muthu, hulisa khotsi-au na mme-au. Ula munna a fhindula a ri: Mufunzi, izwo zwothe ndo zwi ita u bva hanani hanga. Yesu a mu lavhelesa a mu funa, a ri: Wo salelwa nga tshithihi. Tshimbila U yo rengisa zwothe zwiné wa vha nazwo', U fhe vhatshinyali; ndi hone U tshi do vha na lupfumo ngei tadulu; U kone u da U ntevhele. Ula munna fhungo ili la mu thavha, a tuwa o tungufhala; ngauri o vha e na thundu nzhi.

Mirero 16:25

Hu na ndila ine muthu e' yo luga, atsina hune ya yo' guma, ndi ya lufu.

Yakobo 1:22

Ivhani vhaiti vha zwiné fhungo la amba, ni songo sokou vha vhapfi, vhané vha di-khakhisa.

Vha-Efesa 5:6

Hu songo vha na ane a ni fhura nga mafhungo a siho', ngauri ndi zwa u ralo zwiné mbiti ya Mudzimu ya dela vhana vha u sa pfa ngazwo'.

I Vha-Korinta 6:9, 10

Kani a ni zwi divhi zwauri vha so ngo lugaho a vha nga li ifa la muvhuso wa Mudzimu? Ni songo khakha: Hu' dziphombwe, hu' vhadzia-midzimu i sili, hu' vhadzia-u-ṭalana, hu' vhadzia-u-sokou

di-ṅaledza, hu' vha-dzia-u-silinga na vhanna ngavho', Hu' dzimba-va, hu' vhadzia-vhu-vhuḁu, hu' vhanwi, hu' vhagodi, hu' vha mavemu, vhoṭhe a vha nga li ifa la muvhuso wa Mudzimu.

I Yohane 3:7, 8a

Vhana'nga! hu songo vha na ane a ni xedza! Ané a ita zwo lugaho o luga, vhunga Ene o luga. Ané a ita zwivhi u bva kha Sathane; ngauri Sathane ndi mu-ita-zwivhi tsha kale na kale.

Vha-Galata 6:3

Ngauri arali muthu a tshi fhima uri ndi tshithu, ngeno é si tshithu, u fhura mbilu yawe ene mune.

Vha-Roma 5:12

Ndi zwone vhunga zwivhi zwó dzhena shangoni nga muthu muthihi, zwivhi zwa d̄isa lufu, lufu lwo vhuya lwa tanganya vhathu vhothe nge vhothe vha tshinya.

Ngavhuya, arali nyemulo yó no amara, i beba vhuvhi; vhuvhi, arali hó no khunyelela, vhu dzwala lufu. —Yokobo 1:15

Vha-Roma 8:6

Ngauri nama i di-todela lufu, muya u toda vhutshilo na mulalo.

Hesekiele 18:20

Hu do fa onoyo we a ita zwivhi. Murwa ha nga hwali mulandu wa khotsi-awe. Khotsi ha nga hwali mulandu wa murwa wawe. Mu-

vhuya u vhuyelwa nga zwivhuya zwawe. Muvhi u vhuyelwa nga zwivhi zwawe.

Luka 15:32

Zwo fanela U tshi wisa mbilu wa takala, ngauri uyu murathu wau o vha o fa, a dovha a tshila; o vha o xela, a dovha a wanala.

Mirero 11:19

Zwivhuya ngangoho zwi isa vhutshiloni; mu-tevhela-zwivhi u ya lufuni lwawe.

Vha-Roma 6:21

Misi iyo ndi musi mitsshelo yanu i minzani? Ndi iné zwino na vho pfa dzithoni (ni tshi i elelwa). Ngauri nangoho vhufhelo hayo yeneyo ndi lufu.

Luka 7:14, 15a

A sendela a kwama hingo, vhahwali vhone vha ima. Ene a ri: Muthanngana, ndi a U vhudza ndi ri: Vuwa! Mufu a dzula a thoma u amba.

Yohane 11:43, 44

A ralo, a kona u vhidzelela nga ipfi lihulu a ri: Lazaro, bvela nnda! Mufu a bva ó pombedzwa milenzhe na zwanda nga minwenda, tshifhatuwo tshawe tshó fukedzwa nga lupila. Yesu a mbo ri: Mu vhofhololeni ni mu litshe a tshimbile.

Yohane 10:17, 18

Ndi zwiné Khotsi a mpfunela zwone, ngauri ndi nekedza vhu-

tshilo hanga; hone ndi do dovha nda vhu dzhia. A hunu a ndzbie-laho vhutshilo hanga; ndi nne mune ndi vhu nekedzaho. Ndi na maanda a u vhu nekedza; ndi na maanda a u dovha nda vhu dzhia. Ndi wone mulayo we nda fhiwa nga Khotsi-anga.

Ndzumbululo 1:18

Ndi nne a tshilaho. Ndo vha o faho huno asizwi, ndi a tshila u swika lini na lini, khono dza lufu na vhu-dzula-vhafu dzi na nne.

Yohane 5:21

Ngauri vhunga Khotsi a tshi vusa vhafu a vha nea vhutshilo, na Murwa u ralo, u nea vhutshilo vhané a funa.

Doiteronomio 5:7-21

Ndi songo U vhona Ú na midzimu i sili.

U songo di-vhadela mudzimu, kana tshifanyiso tsha zwa tadulu na zwa fhanó fhasi, kana zwa madini na zwa nga dasi ha lifhasi. Zwenezwo U songo zwi gwadame-la kana wa zwi rabela

U songo amba dzina la Yehova Mudzimu wau nga fhedzi, nga uri onoyo ane a amba dzina la Yehova Mudzimu wau nga fhedzi Yehova ha nga mu litshi.

Londa duvha la Sabatha U li khethe vhunga Yehova Mudzimu wau ó U laya. U shume maduvha

maṭanu-na-lithihi U vuledze mishumo yau. . . .

Hulisa khotsi-au na mme-au vhunga Yehova Mudzimu wau ó U laya, uri U lalame, uri U dzule wó takala

U songo vhulaha.

U songo vha phombwe.

U songo tswa.

U songo amba vhuṭanzi ha u zwifha kha wa haṇu.

U songo emula musadzi wa wa haṇu. U songo tama nṇu ya wa haṇu, na tsimu yawe, na mulanda wawe wa munna na wa musadzi, na kholomo yawe, na mbongola yawe, na zwoṭhe zwi ri zwawe.

Yeremia 23:24

Muthu a nga dzumbama hani vhudzumbamoni a ri a thi mu vhoni? Yehova u ralo. Naa a si Nne ndo dalaho kha liṭaḍulu na lifhasi. Yehova u ralo.

Luka 8:17

Ngauri a huna tsho dzumbama-ho tshiné tshi sa ḍo bvelela kha-gala; a huna tshiphiri tshiné tshi sa ḍo diḥwa tsha vhoneala.

Dzipsalme 139:8 absent 12

Ndá gonya hangei makoleni, ndi yo' wana Ú hone; ndá tsela vhudzula-vhafu, na henengei ndi huné wa vha hone-vho. . . . Atsina kha Iwe swiswi a li swifha-

li; vhusiku vhu tshena vhunga tshedza; hu' swiswi, hu' tshedza, ndi zwithihi.

I Vha-Korinta 3:20

Ha dovha ha pfi: Murena zwiné vhaṭali vha elekanya zwone u a zwi ḍivha zwauri ndi zwi siho'.

Mirero 15:3

A hoṭhe—mato a Yehova; a vhona vhavhi na vhavhuya.

Yobo 34:21, 22

Ngauri mato awe a vhona ndila dza muthu; u lavhelesa khandu dzawe dzoṭhe. A huna swiswi, na dunzi la lufu a liho', line mu-ita-zwivhi a dzumbama khalo'.

Dzipsalme 9:17

Vhavhi vho godimela vhu-
dzula-vhafu; ndi Vha-nda vhe
vha shandukela Mudzimu.

II Petro 3:7

Maṭadulu a zwino na lifhasi zwo
ro vhulungwa nga ipfi lawe, zwi
tshee zwó londolwa, hu vhuye hu
swike mulilo wa ḍuvha la kha-
ṭhulo la u lovha ha vhathu vha sa
ofhiho Mudzimu.

Mateo 13:41, 42

Murwa-muthu u ḍo ruma
vharuṅwa vhawe uri vha nange
zwickhukhuliso zwoṭhe na vha pfu-
kaho mulayo, vha vha bvise
muvhusoni wawe. Huno vha ḍo

vha kudza nandoni ya mulilo,
huné ha ḍo vha na zwililo na u
shenganya maṅo.

Mateo 25:46

Huno avho vha ḍo ṭutshela u
shengedzwani hu sa fheli; vho
lugaho vhone vha ḍo ya u tshila
tshoṭhe.

Mateo 18:8

Arali U tshi khakhiswa nga
tshanda tshau naho u mulenzhe
wau, zwi tumule U zwi laṭe kule.
Khwine ndi u dzhena vhutshiloni
U tshi ṭudza, naho U tshihole, uri
U si kudzwe Muliloni u sa dzimiho
na lini na lini, Ú na zwanda
zwivhili na milenzhe mivhili.

Mishumo 17:31

Ngauro o vhea d̄vha lithihi, liné a d̄o sengisa shango lothe ngalo' á sa taluli. Muhatuli u d̄o vha munna we a mu vhea uri vhatu vhothe vha mu tende, onoyo we a mu vusa vhafuni.

II Petro 2:9

Ngauro Murena u a zwi divha u ponyokisa mulingoni vha mu ofhaho, na u vha ó vhea kothoni vha songo lugaho, hu vhuye hu swike d̄vha la tsengo.

I Yohane 4:17

Lufuno lu tshi khunyelela vhukati hashu ndi uri ri vhe na fulufhelo nga d̄vha la khathulo,

ngauri na rine ri fana na Ene, naho ri shangoni lino.

Vha-Heberu 9:27

Vhunga muthu tshawe hú u fa ka-thithi, ha kona u da khathulo.

II Vha-Korinta 5:10

Ngauro rothe tshashu ndi u d̄o vhone tsengoni ya Kristo, uri rothe ri d̄o wana tshe ra di-shumela tshone musi ri tshee muvhilini, wa tshivhuya a wana tshivhuya, wa tshivhi a wana tshivhi.

VhaRoma 14:12

Asizwo-ha, muthu washu u d̄o tou di-fhindulela nga ethe Mudzimuni.

I Petro 5:5b

Ngauro Mudzimu u lwa na vha di-kukumusaho, huno vhatuku u vha nea tshilidzi.

II Vha-Korinta 8:9

Ngauro tshilidzi tsha Murena washu Yesu Kristo ni a tshi divha, ngauro é mupfumi a vha mushai a tshi itela inwi, hú uri inwi ni pfume nga vhushai hawe.

VhaRoma 5:15

Huno a si u ri u wa na u itelwa tshilidzi zwi a lingana; ngauro arali u wa ha muthihi hó vhulahi-sa vhanzhi, tshilidzi tsha Mudzimu na tshifhiwa tsho bvaho

kha vhulidzi ha muthu muthihi Yesu Kristo zwo fanela u simesa u dala zwa fhalalela kha vhanzhi.

VhaRoma 9:16

Asizwo, nangwe wá funa, nangwe wá gidima, tshihulu ndi uri Mudzimu a U khatutshela.

II Vha-Korinta 9:15

Mudzimu nga a livhubiwe tshifhiwa tshawe tshi sá ambei.

Mishumo 4:33

Vhaapostola vhone vha vhea vhubanzi nga maanda mahulu, ha u ri Murena Yesu o vuwa vhafuni; huno ho vha hu na tshilidzi tshihulu kha vhone vhothe.

Mishumo 17:30

Mudzimu u do litsha u humbula zve vhathu vha ita misi vha sathu u divha; hone zwino u laya vhathu vhothe t̄hungo dzothe, u ri vha rembuluwe.

Luka 13:3

Nne ndi ri, aiwa, arali ná sa shanduka, ni do lovha nothe ngauralo.

Mishumo 3:19

Di-soleni-ha zwino, ni shanduke, uri zwivhi zwanu zwi phunyiwe.

Mishumo 2:38

Petro a amba navho' a ri: Shandukani nothe ni lovhedzwe dzinani la Yesu Kristo, hu vhe u

hangwelwa zwivhi; ndi hone ni tshi do t̄anganedza tshifhiwa tsha Muya-mukhethwa.

II Vha-Korinta 7:10

Ngauri u tungufhadzwa, lune Mudzimu a lu funa, hu bveledza thembuluwo i isaho u tshidzwani, ine U si vhuye wa ri: Yo dela'ni! U tungufhala ha shango hone hu tshi bveledza lufu.

Mateo 3:2

Shandukani, ngauri muvhuso wa tadulu u tsini!

Mirero 28:13

Mu-dzumba-zwe-a-tshinya ha vuledzi tshithu; hu hangwelwa ane a zwi bula a zwi lata.

Mateo 6:14

Arali ni tshi hangwela vhathu zwe vha tshinya, na inwi khotsi-anu wa tadulu u do ni hangwela-
vho.

Hesekiele 18:21

Mu-ita-zwivhi arali a tshi laṭa zwivhi zwawe zwoṭhe zwe a vha a tshi zwi ita, a londota dzindaelá dzanga dzoṭhe, a tevhedza zwo fanelaho, a ita zwivhuya, ngangoho u do hanya, ha nga fi.

Ndzumbululo 3:20

Asizwo, ndo ima munangoni, ndi khou omba-omba; ané a pfa ip-fi langa, a mvulela vothi, ndi do dzhena khæ' nda la tshilalelo nae', a tshí la na nṅe.

Mutshinyi nga a laṭe ndila yawe, mudzia-zwivhi nga a laṭe ngelekanyo dzawe, a vhuyelele ha Yehova uri a mu khathutshele; a vhuyelele ha Mudzimu washu; ngauri u hangwela hawe ndi huhulu. —Yesaya 55:7

Mishumo 5:31

Onoyo, Mudzimu o mu hulisa nga tshanda tshawe, a mu ita muvhusi na mutshidzi, uri Isiraele a wane u shanduka na u hangwelwa zwivhi.

Marko 2:5

Yesu a tshi vhona lutendo lwavho, a vhudza ula o omaho mirado a ri: Nwana'nga, wo hangwelwa zwivhi zwau.

Vha-Kolosa 3:2

Elekanyani zwa tadulu, ni so ngo elekanya zwa shangoni.

Vha-Efesa 5:11

Ni songo vha na vhuhura na mishumo ya swiswi i sa bveledzi tshanwiwa, tshanu nga hu vhe u rovhedza-vho.

Yesaya 1:16

Tambani ni bve tshikha; mishumo yanu mivhi ni i bwise phanda hanga, ni late zwivhi.

I Yohane 2:15, 16

Ni songo funa shango na zwi re shangoni. Ané a funa shango, u funa Khotsi a zwiho' khae'. Ngauri zwothe zwa shangoni: ndi amba nyemulo dza nama na nye-

mulo dza mato na u tshila nga u di-kukumusa, a zwi bvi ha Kho-tsi, ndi zwa shango.

Yakobo 4:4

Inwi dziphombwe, a ni zwi divhi, zwauri u konana lwa shango ndi u itela Mudzimu vhuswina naa? Onoyo-ha, ané a tama u vha khonani na shango, o di-ita swina la Mudzimu.

Ngauri ho vhonala tshilidzi tsha Mudzimu tshi tshidzaho vathu vhothe. Tshi ri funzedza u late u nyadza Mudzimu na dzyemulo dza shango, uri tshifhinganani tsha zwino ri tshile ro thanya, ro luga, ri tshi ofha Mudzimu.
—Tito 2:11, 12

Hesekiele 36:26

Ndi do ni nea mbilu ntswa, nda vhea muya wanga mvaloni dzanu; mbilu ya tombo ndi do i bvisa kha mivhili yanu, nda ni nea mbilu ya nama.

II Vha-Korinta 5:17

Zwino-ha, a re kha Kristo ndi tshivhumbwa tshiswa; zwilala zwo fhela; asizwi, ho bvelela zwiswá.

I Yohane 2:29

Arali ni tshi zwi divha zwauri ndi Ene mululamisi, ni talukanye zwauri na vhothe vhadzia-u-lulamisisa vho bebwa nga Ene.

I Yohane 5:18

Ri a zwi divha zwauri vhothe vho bebwaho nga Mudzimu a vha iti zwivhi. O bebwaho nga Mudzimu tshawe ndi u di-fara, Muvhi a si mu kwame.

I Petro 1:23

Ngauri ni vho bewaho hafhu nga mbeu i sí heila i tshinyalaho; ndi i sá tshinyali, ya fhungo la Mudzimu li tshilaho, li di dzulaho li hone.

Yohane 3:3

Yesu a fhindula a ri: Ngoho, ngoho, ndi a U vhudza, muthu a sa ita u dovha u bebwa, muvhuso wa Mudzimu ha koni u u vhona.

Vha-Efesa 2:1 absent 6

Na inwi, vhe na vha nó fa zwi-
vhini na v^hutshinyini hanu, o ni
vusa. . . . O ri vusa rothe nae' a ri
dzudza nae' kha zwa t^adu lu nga
Kristo Yesu.

Zwino-ha, arali nó vuwa na
Kristo t^ada ni zwa t^adu lu, huné
Kristo a vha hone ó dzula thungo
ya tsha u la tsha Mudzimu. Eleka-
nyani zwa t^adu lu, ni so ngo eleka-
nya zwa shangoni. Ngauri no fa,
huno v^hutshilo hanu ho dzumba-
ma Mudzimuni na Kristo. Arali
Kristo a tshi do v^honala, ene
v^hutshilo hanu, ndi hone na inwi
ni tshi do v^honala nae' ní na
vhurena. —Vha-Kolosa 3:1-4

Ndi ene we zwivhi zwashu ene
mune a zwi takulela kha thanda
nga muvhili wawe, uri zwivhi ró
zwi t^atshela kule, ri tshile rí u
lugani ha hoyo, we na fhodzwa
nga ntho yawe. —I Petro 2:24

Vha-Galata 5:24

Hone vha ré vha Kristo Yesu
vha v^hambula nama yavho tshif-
hambanoni na u tambula zwivhi
na dzinyemulo zwi re khayó'.

Rine v^hathu ro faho síani la
zwivhi ri tsha di kona u tshila
hani zwivhini? . . . Na inwi-vho, di-
iteni vhané thungo ya zwivhi na
nga v^hafu, thungo ya Mudzimu
na vha vha tshilaho kha Kristo
Yesu. —VhaRoma 6:2 absent 11

Ngauri ané a zwala kha nama yawe, tshiné a do kana ndi u sina, zwi tshi bva kha nama; ané a zwala kha muya, u do kana u tshila-tshothe, zwi tshi bva kha muya. —Vha-Galata 6:8

Yohane 3:14, 15

Vhunga Mushe ó imisela nowa nthá sogani, Murwa-muthu ó fanela u imiselwa nthá sa zwenezwo; Uri vhothe vha mu tendaho vha si lovhe; tshavho hu vhe u tshila tshothe.

Yohane 17:3

Vhutshilo vhu sá fheli ndi uri vha divhe iwe, U re Mudzimu nga ngoho Ú wothe; vha divhe na Yesu Kristo, we wa mu ruma.

Yohane 3:36

A tendaho Murwa u na vhutshilo vhu sá fheli. A sa tendiho Murwa, vhutshilo ha nga vhu vhoni; tshawe ndi uri vuhali ha Mudzimu vhu dzula vhu khae'.

Ngauri mulifho wa zwivhi ndi lufu, tshifhiwa tshiné ra newa nga tshilidzi tsha Mudzimu ndi u tshilatshothe kha Kristo Yesu Murená washu. —VhaRoma 6:23

Yohane 5:24

Ngoho, ngoho, ndi a ni vhudza, a pfaho ipfi langa a tenda we a nthuma, u na vhutshilo vhu sa fheli, huno ha nga dzheni khatuloni; ngauri o tahekanya, o bva lufuni a dzhena vhutshiloni.

Yesaya 32:17

Zwivhuya zwi do bveledza mulalo, zwivhuya zwi do disa phatho na u di-takalela hu sa gumi.

Vha-Galata 4:6

Zwino vhunga ni vhana, Mudzimu o rumela Muya wa Murwa wawe dzimbiluni dzashu, ane a vhidzelela a ri: Baba, Khotsi!

I Yohane 3:18, 19

Vhana'nga, ri songo funa nga u amba na nga lulimi; nga ri fune nga mushumo na nga mafhungo-ngo. Asizwi zwiné ra do divha ngazwo' zwauri ri bva kha mafhungo-ngo, ra rudza dzimbilu dzashu phanda ha Ene ngazwo'.

Yohane 14:21

A re na milayo yanga, a ita zwiné ya amba, ndi ene a mpfunaho, A mpfunaho u do funwa nga Khotsianga, na nne ndi do mu funa nda divhonadza kha ene.

Vha-Roma 8:16

Muya-mukhethwa Ene mune u a tanziela-vho, a tshi vhudza muya washu zwauri ri vhana vha Mudzimu.

I Yohane 4:13

Zwauri ro dzula khae' na uri Ene o dzulu kha rine ri a zwi divha, nge a ri nwatela Muya wawe.

32 MUSI KRISTO ENA ÍNWÍ NI WANA MULALO

Yohane 17:13

Zwino ndi da ha iwe; huno ndi tshi amba nda ralo ndi fhanosha ngoni, ndi ita uri dakalo langa li dale kha vhone.

VhaRoma 14:17

Ngauri vuhosi ha Mudzimu a si u la na u nwa, ndi u luga na mulalo na dakalo zwine zwa bva kha Muya mukhethwa.

Yesaya 12:3

Madi a zwisima zwa khanyiso ni do a ka no takala.

Vha-Galata 2:20

Ndo vhambwa tshifhambanoni na Kristo; a hu tsha tshila nne, hu tshila Kristo kha nne. Hone u

tshila hanga ha zwino namani, ndi tshila ndi khou tenda Murwa wa Mudzimu, we a mpfuna a di-nekedza a tshi itela nne.

Yohane 15:11

Ndi amba nda ralo uri dakalo langa li dzule li kha inwi, na uri dakalo lanu li dale.

Dzipsalme 16:11

U ndivhisa ndila-vhutshilo? dzivha la dakalo li phanda ha tshifhatuwo tshau; zwi difhaho zwi tshandani tshau lini na lini.

Vha-Efesa 3:17

Kristo a fhatele dzimbiluni dzanu nga lutendo, ni sime midzi, ni toke lufunoni.

U DI NEKEDZA KHA MUDZIMU ZWI A TODEA 33

Vha-Roma 6:16

A ni zwi divhi zwauri onoyo ané na di-kumedza ene u vha vhalanda vha u mu thetshesesa, nangoho ni vhalanda vha onoyo ané na mu thetshesesa, zwá vha zwivhi zwi do ni isa lufuni, há vha u pfa (Mudzimu) hu do ni isa u lugani.

II Vha-Thesalonika 1:7-9

Inwi vhaṭhuphiwa a ni wanisa vhuawelo na vho-rine u dzumbululwani ha Murena Yesu, a tshi bva ṭadulu na vharuṅwa vha maanda awe. E kha mulilo u dugaho, a tshi da u lifhedza vha

sá divhi Mudzimu, na vha sá thetshesesi tshi ambwaho nga mafhungo-madifha a Murena washu Yesu. Vhenevho ndi vhone vhané vha do wana mulandu wa u lovha tshoṭhe kule ha tshifhaṭuwo tsha Murena na kule ha vhurena ha maanda awe.

Doiteronomio 11:26-28a

Nangani-ha; namusi ndi vhea a phaṭutshedzo na khombo phanda hanu. Phaṭutshedzo ndi ya misi ni tshi do tevhedza milayo ya Yehova Mudzimu wanu ine nda khou ni laya namusi. Khombo ndi ya misi ní sa tevhedzi milayo ya Yehova Mudzimu wanu.

Vha-Filipi 2:11

Ndimi dzothe dzi bvumele zwauri: Yesu Kristo ndi ene Murena, hu vhe u renda Mudzimu Khotsi.

Mateo 10:32, 33

A nyambaho phanda ha vhathu, na nne-vho ndi do mu amba phanda ha khotsi-anga a re tadulu. Hone, a ndandulaho phanda ha vhathu, na nne-vho ndi do mu landula phanda ha khotsi-anga a re tadulu.

VhaRoma 10:9, 10

Ngauri arali U tshi tanzielela Murena Yesu nga mulomo wau, wa tenda mbiluni yau zwauri

Mudzimu o mu vusa vhafuni, U do tshidzwa. Ngauri muthu u tenda nga mbilu, a kona u do itwa o lugaho; muthu a tanzuela nga mulomo, a kona u do tshidzwa.

I Yohane 2:23

Vhothe vhané vha hanedza Murwa, na Khotsi a vha nae', vhané vha tanzuela Murwa na Khotsi vha nae'.

Luka 9:26

A re na thoni u amba nne na mafhungo anga, onoyo na Murwa-muthu u do vha na thoni u mu amba musi a tshi da e vhurenani hawe na ha Khotsi na ha vharu-riwa vhakhethwa.

II Vha-Thesalonika 2:9

Hu do fhedzwa houla we a da, zwó itwa nga Sathane nga maanda manzhi, na nga madembe, na nga vhuṭolo ha u zwifha.

I Petro 5:8

Dzivhuluwani ni fhatuwe! Swina lanu Diabolo u mona-mona vhunga ndau i vhombaho, iné ya ṭoda ané ya mu mila.

Mateo 4:1 absent 10, 11

Zwenezwo Yesu a gonyiswa nga Muya sogani uri a lingwe nga Diabolo. . . . Yesu ndi hone a tshi amba nae' a ri: Tuwa, Sathane! ngauri zwo nwaliwa u pfi: Gwadamela Murena Mudzimu wau, U

shumele Ene fhedzi. Ndi hone Diabolo a tshi mu ṭutshela, vharuwa vha da vha mu shumela.

Vha-Efesa 6:11

Ambarani mafumo othe a Mudzimu, uri ni do kona u kunda maano othe a Diabolo, a tshi ni dodela.

Mishumo 26:18

Uri U vha bonyolose maṭo, uri vha furalele swiswi, vha livhe tshedza; vha furalele maanda a Sathane, vha livhe Mudzimu; vha fhiwe u hangwelwa zwivhi; vha le ifa na avho vha khethwaho nga u tenda nne.

II Vha-Thesalonika 2:8

Ndi hone hu tshi do dzumbululwa ene muvhi, ané Murena Yesu a do mu fheledza nga mufemo wa mulomo wawe, a mu fhedza musi a tshi vhone zwauro o da.

Yokobo 4:7, 8a

Luvhani Mudzimu-ha, ilwani na Diabolo, u do ni shavha. Sendelani tsini ha Mudzimu, na ene a sendele tsini hanu.

Vha-Heberu 2:14

Zwino-ha vhunga vhone vhana vhe vhatihi nga malofha na nama. na Ene o vha muthihi navho' nga zwenezwo, uri nga u fa

a kunde Diabolo, we a vha e na maanda a lufu.

VhaRoma 8:35 absent 37

Ndi tshini tshiné tsha nga ni fhandakanya na lufuno lwa Kristo? Kana vhutungu, kana nyofho, kana u tovholwa, kana ndala, kana tsiku, kana muvhango, kana pfumo? . . . Huno ri kha hezwo zwothe, ro zwi kunda kule nga we a ri funa.

I Yohane 3:8

Ané a ita zwivhi u bva kha Sathane; ngauri Sathane ndi mu-itazwivhi tsha kale na kale. Ndi zwone zwe Murwa wa Mudzimu a vhone ngazwo'. hu uri a thuthekanye mishumo ya Sathane.

I Yohane 4:20

Arali hú na ané a ri: Ndi funa Mudzimu, ngeno a tshi vhénga murathu wawe, ndi muzwifhi. Ngauri, a sá funi murathu wawe ané a mu vhona, u do kona hani u funa Mudzimu ané a si mu vhone.

I Vha-Korinta 13:1

Naho ndi tshi amba nga ndimi dza vhatu na dza vharuñwa, lufuno ndi si na, ndi nga tsimbi i lilaho, ndi nga ngoma i bvumaho.

Yohane 13:35

Ndi zwiné vhatu vhothe vha do divha ngazwo' zwauri ni vha-funziwa vhangá arali u funana hu hone kha inwi.

Vha-Galata 5:22, 23a

Zwianwiwa nga Muya ndi lufuno, dakalo, mulalo, u sa fhela mbilu, vhulenda, vhuthu, lutendo, U vuḁa, u kondelela.

Yohane 21:16

Yesu a dovha a amba lwa vhu-vhili a ri: Simoni murwa wa Yona, U a mpfuna naa? Ene a ri: Iina Murena, U a zwi divha zwauri ndi a U funa. Yesu a ri: Lisa nngu dzanga.

I Yohane 3:14

Rine ri a zwi divha, zwauri ro wela, ro bva lufuni, ra ya vhutshiloni nge ra funa vharathu. A sí na lufuno u sala lufuni.

We a tshi nekedzwa ha vha u itela vhutshinyi hashu, a tshi vuswa, ha vha uri ri itwa vho lugaho. —Vha-Roma 4:25

Yohane 20:26-28

Nga ḍuvha la vhuṭanu-na-vhuraru, vhafunziwa vhawe vhe ngomu nduni hafhu, na Thoma e navho', Yesu a da mahothi ó honwa, a ima vhukati havho a ri: Mulalo kha inwi! Zwenezwo a amba na Thoma a ri: Disa munwe wau ngeno U vhone zwanda zwanga; disa tshanda tshau U longe lurumbuni lwanga. U songo vha a sa tendiho; ivhá a tendaho. Thoma a fhindula a ri: Murena wanga! Mudzimu wanga!

Musi we a vuwa, nga ḍuvha li tevhelaho Sabatha, a thoma u di-sumbedza Maria Magdalena, we a pandela mimuya mivhi miṭanu na mivhili kha ene. —Marko 16:9

Mishumo 10:39-41

Rine ri dziṭhanzi dza zwoṭhe zwe a ita shangoni la Vha-Yuda na Yerusalema. Ene vho vhuya vha mu vhulaha vha mu fhahea kha thanda. Ene, Mudzimu o mu vusa nga ḍuvha la vhuraru, a ita na u mu vhonadza. Hu si vhe u vhonwa nga vhatu vhoṭhe, o vhonwa nga ṭhanzi dzo dzulaho dzó sumbiwa nga Mudzimu, nga vho-rine vhe ra la nae', vhe ra nwa nae' musí ó no dzamuluwa, ó bva vhafuni.

Mateo 16:21

Maḍuvha ayo ndi e Yesu Kristo a thoma ngao' u sumbedza vhafunziwa vhawe zwaauri tshawe ndi u ya Yerusalema na u shengedzwa zwinzhi nga vhahulwane na vho-tshifhé vhahulu na nga vhaḍivhi vha mañwalo na u vhulahwa na u vuwa nga ḍuvha la vhuraru.

Yohane 5:25 absent 28, 29

Ngoho, ngoho, ndi a ni vhudza, hu ḍa tshikhathi, na zwino tsho no swika, tshiné vhafu vha ḍo pfa ipfi la Murwa wa Mudzimu ngatsho', huno vha pfaho vha ḍo tshila. . . . Ni songo zwi kanuka; ngaauri hu ḍa tshikhathi, tshiné

vhoṭhe vha re zwaloni vha ḍo pfa ipfi lawe ngatsho', Ha ḍo bvelela vho itaho zwivhuya, vha vutshela u tshila; hone vho itaho zwivhi vha ḍo vutshela u haṭulwa.

Vha-Roma 6:3-5

Kani a ni zwi ḍivhi zwaauri roṭhe ro lovhedzwaho kha Kristo Yesu ro lovhedzwa lufuni lwawe naa? Zwino ro swiṭwa-ha nae' nga u lovhedzwa lufuni, uri vhunga Kristo ó vuswa vhafuni nga lupenyo lwa Khotsi, na riṇe-vho ri tshimbile kutshilele kú kuswa. Ngaauri arali ró baḍakanyiwa nae' (Kristo) nga u fa ra nga Ene, na u dzamuluwa ri ḍo baḍakana nae'.

Luka 1:74, 75

Vha u mu shumela ri si na nyofho, ró bva zwanḡani zwa maswina, Rí vhakhethwa, ró luga phanḡa have misi yoṡhe ya vhu-tshilo hashu.

II Vha-Korinta 7:1

Vhunga ri na mbavhalelo ngafho, vhafunwa, nga ri tambe dzitshika dzoṡhe dza kha nama na kha muya, ri khunyeledze vhukhe-thwa hoṡhe ri tshi ofha Mudzimu.

I Petro 1:2

Nga u dzula zwó divhiwa nga Mudzimu, Khotsi, na kha u itwa vhakhethwa nga Muya, na uri vha thetshelese Yesu Kristo, vha han-dululwe nga malofha awe:

Tshilidzi na mulalo nga zwi ande kha inwi zwi tshi ya!

II Timotheo 2:21

Huno arali muthu a tshi diṡamba kha hezwiḡa, u ḡo vha mudzio wa u huliswa, wo itwaho mukhe-thwa, u lamulelaho mune, wo lugiselwaho mishumo yoṡhe ya-vhuḡi.

I Petro 1:15

Aiwa, vhunga ó ni vhidzaho e mukhethwa, na inwi ivhani vha-khethwa kha kutshimbilele kwa-nu kwoṡhe.

Vha-Heberu 12:14

Zwimani mulalo na vhoṡhe, na vhukhethwa ni hu zwime; a sá raloho ha nga vhoni Murena.

Yesaya 35:8

Hu do vha na gondo lo atama-
ho, ndila ine ya do pfi ndila khe-
thwa. A i nga tshimbilwi nga wa
tshikha; i do vha ya vhenevho vhe
vha i fara; na matsilu ha nga xeli
ndila.

Vha-Efesa 1:4

Vhunga kha onoyo ó ri nanga
shango lí sathu u sikiwa, uri ri vhe
vhakhethwa, vha sí na mulandu
maṭoni awe kha lufuno.

I Yohane 1:9

Hone ri tshi bula zwivhi zwa-
shu, u fulufhedzea na u lulami-
sa hawe ndi zwone zwi mu rume-
ledzaho u ri hangwela zwivhi a ri
ṭanzwa vhutshinyi boṭhe.

Mateo 3:11

Nne ndi khou ni lovhedza
maḍini uri ni shanduke; hone uyo
o ntsalaho murahu, u na maanda a
fhiraho anga; a tho ngo fanela na
u mu hwalela zwienda zwawe. Ndi
ene ane a do ni lovhedza nga
Muya mukhethwa na nga mulilo.

Ndi zwe na Yesu a itiwa; a tshi
ṭanzwa vhatu nga malofha awe ó
shengedzwa ngei nda phanda ha
khoru. —Vha-Heberu 13:12

Na hone ambarani muthu
muswa, we a ri a tshi vhumbiwa
ha vha u tevhedza Mudzimu, a
vhumbwa ó luga, e mukhe-
thwa, zwi tshi bva kha mafhu-
ngo-ngoho. —Vha-Efesa 4:24

VHATHU VHO DADZWAHO NGA MUYA MUKHETHWA

Mishumo 1:8a

Fhedzi ni do dzhia maanda musi Muya-mukhethwa a tshi da kha inwi na vha dzithanzi

Hesekiele 36:27

Ndi do vhea muya wanga mvaloni dzanu, nda ni ita vhatu vha tevhelaho milayo yanga, vha londotaho maitele anga, vha tevhedza one.

Vha-Roma 8:9

Inwi-ha a ni namani, ni muyani arali nangoho muya wa Mudzimu wo fhata kha inwi. Huno arali mu-thu a si na muya wa Kristo, uyo ha' wawe.

Luka 11:13

Huufha inwi ni re vhavhi, ni tshi divha u nea vhana vhanu zwifhiwa zwavhudi! Khotsi wa tadulu u ni fhira kule-kule. Vha mu humbelaho u do vha fha Muya-mukhethwa.

Mishumo 13:52

Vhafunziwa vhone vha dala dakalo na Muya mukhethwa.

Mishumo 4:31

Ha ri vho fhedza u rabela, fhethu afho he vha kuvhangana hone ha dzinginyea; vhothe vha dala Muyamukhethwa, vha amba fhungo la Mudzimu nga dakalo.

Dzipsalme 34:18

Yehova u sendela ha vha dzi-
mbilu dzo vundekanaho, u tshidza
vha mimuya yo huvhalaho.

Yesaya 66:2

Zwothe zwi re hone naa a si
tshanda tshanga tsho zwi itaho
zwa mbo vha hone? Ndi one ma-
amba-Yehova. Ane Nne nda mu
sedza ndi wa mbilu ya u di-
vhuyedza, wa mbilu yo vha sala-
ho, ane a ofha zwe nda amba.

Ndzumbululo 21:4

U do fhuluta matodzi othe
matoni avho, lufu a lu tsha do vha
hone, na vhutungu na zwililo na
tshengelo a zwi tsha do vha hone,
ngauri zwa kale zwo fhela.

Dzipsalme 37:3

Fulufhedza Yehova, U ite zwi-
vhuya, ndi hone shango li tshi do
vha hayani hau lo lala.

I Petro 4:12, 13

Vhafunwa, biko li re kha inwi, la
u pfi ni lingwe ngalo', ni songo li
tshenuwa, na nga no delwa nga
tshithu tshiswa. Aiwa, ni takalele
u kovhelwa-vho mathupho a Kri-
sto, uri musi hu tshi dzumbululwa
vhurena hawe ni takale, ni di-
phine.

Mateo 6:33

Tsha phanda todani muvhuso
wa Mudzimu na u luga hawe; he-
zwo zwothe zwi do vha zwiné na
ingiwa ngazwo'.

44 PFULUFHEDZISO KHA VHA LINGWAHO

Vha-Heberu 2:18

Ngauri u kona u farisa vha lingwaho, nge na Ene a vhaaisala a tshi lingiwa.

Vha-Roma 16:20

Ene Mudzimu wa mulalo u do tshanya u sukanya Sathane tsini ha milenzhe yanu. Tshilidzi tsha Murena washu Yesu Kristo nga tshi vha kha inwi!

Dzipsalme 34:19

Matshupho a muvhuya ndi manzhi; kha othe-othe Yehova u do mu lamulela.

Yesaya 43:2

U tshi dzhena madini, ndi na iwe; U tshi wela milambo, a U nga

kumbiwi; U tshi tshimbila vhukati ha mulilo, a U nga swi; khavhu a i nga U fhisi.

Vha-Roma 8:28

Ngauri ri a zwi divha zwauri kha vha funaho Mudzimu, zwithu zwothe zwi a shumisana, zwa isa havhudi, kha vho vhidzwaho nge vha nangiwa.

I Vha-Korinta 10:13

Mulingo a ni athu u farwa nga u sa lingani nungo dza muthu. Mudzimu hone u a fulufhedzea; ha nga tendi ni tshi lingiwa lune ni sa do lu kona! Tshawe ndi u ri a tshi vhea mulingo, a vhea na tshivhana tshine na kona u sera ngatsho'.

Ndzumbululo 3:21

Ané a kunda ndi do mu fha a dzula na nne kha khulunoni yanga, vhunga na nne ndó ri u kunda nda dzula na Khotsi-anga kha khulunoni yawe.

Ndzumbululo 21:7

Mukundi zwenezwo zwi do vha ifa lawe, ndi do vha Mudzimu wawe, ene a vha murwa wanga.

Ndzumbululo 3:12

Ané a kunda ndi do mu ita phuphu nduni-khethwa ya Mudzimu wanga; ha tsha do bva na ka-thihi, huno ndi do mu nwala dzina la Mudzimu wanga na dzina la muḍi wa Mudzimu wanga, la

Yerusalema huswá, huné ha do tsa hu tshi bva tadulu, ha Mudzimu wanga; na langa dzina liswa ndi do mu nwala.

Ndzumbululo 3:5

Ané a kunda u do ambadzwa nguvho tshena sa zwenezwo, huno na ka-thihi a thi nga phunyi dzina lawe buguni ya vhutshilo, huno dzina lawe ndi do li amba phanda ha Khotsi-anga na vharuḿwa vhave vha tshi zwi pfa.

Ndzumbululo 2:7

A re na ndevhe nga a pfe zwiné Muya wa vhudza zwivhidzo: Mukundi ndi ene ané nda do mu fha a la zwa muri wa vhutshilo u re Paradisoni ya Mudzimu wanga.

MUDZIMU U AMBA NA RINE NGA HA THALANO

I Vha-Korinta 7:10, 11

Huno vho dzeaho ndi a vha laya, hone é si nne, é Murena, uri musadzi a songo fhandakana na munna wawe. Arali ó fhandakana nae' a dzule á so ngo dzewa a pfumedzane na munna wawe. Huna nga munna a songo tala musadzi wawe.

Vha-Roma 7:2, 3

Ngauri musadzi o dzewaho mulayo u mu vhofhekanya na munna arali munna á tsha di tshila. Arali munna á fa o vhofhololwa kha mulayo wa munna. Munna á tsha di tshila a nga pfi phombwe arali á tshi vha wa muñwe munna.

Huno arali munna ó fa, o vhofhololwa kha mulayo, ha tsha do pfi phombwe arali a tshi vha wa muñwe munna.

Mateo 5:32

Á vha nne ndi vhudza inwi ndi ri: A talaho musadzi wawe—arali hu si nga mulandu wa vhupombwe—u mu itisa vhupombwe; na a dzeaho o talwaho, u ita vhupombwe.

Luka 16:18

A talaho musadzi wawe a dzea muñwe, ndi phombwe; na a dzeaho musadzi o tutshelaho munna, ndi phombwe.

Yohane 14:3

Huno ndi tshi ya u ni lugisela vhudzulo, ndi do vhuya nda ni dzhia uri ni de huné nne nda vha hone.

Ndzumbululo 3:11

Ndi a da zwenezwino; faresa tshiné wa vha natsho', uri hu si vhe na ane a dzhia dzánga lau.

Marko 8:38

Ngauri a re na thoni u nyamba na u amba mafhungo anga lushakani ulu lwa mashandukwa na vha-ita-zwivhi, onoyo na Murwamuthu u do vha na thoni u mu amba musí a tshi da e vhurenani ha khotsi-awe e na vharuwa vha-khethwa.

Mateo 24:30

Ndi hone hu tshi do penya lufayo lwa Murwamuthu tadulu. Huno tshakha dzothé dza lifhasi dzi do lila, dzi do vhona Murwamuthu a tshi da e kha makole a tadulu e na maanda na vhurena vhuhulu.

Yakobo 5:8

Na inwi ni songo fhela mbilu, khwathisani dzimbilu dzanu, ngauri u da ha Murena hu tsini.

Mateo 24:27

Ngauri u da ha Murwamuthu hu do nga lupenyo lu tshi taha Vhubvaduvha, lwa vhone tshela lwa guma Vhukovhela.

Ndzumbululo 16:15

Asizwo! ndi da unga mbava; mashudu! a tshesaho, a londaho nguvho dzawe, á sa do tshimbila é fhedzi, ha vhonala u shona hawe.

Mishumo 1:11

Vha ri: Vhanna vha Galilea, no imela'ni nó lavhelesa tādulu? Hoyu Yesu we a dovha a takulelwa tādulu a tshi bva kha inwi, u do vhuya sa zwenezwi zwe na mu vhona a tshi tuwa a tshi ya tādulu.

Luka 12:40

Na inwi dzulani nó di-lugisa, ngaauri a ni divhi tshikhathi tshiné Murwa-muthu a do da ngatsho'.

Mateo 16:27

Ngaauri Murwa-muthu u do da é vhurenani ha khotsi-awe é na vharuñwa vhawe; ndi hone a tshi do nea vhatu vhothe zwi edanaho na mishumo yavho.

Luka 21:27

Zwenezwo ndi hone vha tshi do vhona Murwa-muthu a tshi da e kha gole e na maanda mahulu na lupenyo luhulu.

I Yohane 3:2

Vhafunwa, zwino ri vhana vha Mudzimu, hone a hu athu u vhonala tshiné ra do vha tshone. Hone ri a zwi divha zwauri a tshi do vhonala, ri do nga Ene, ra Mu vhona uri ndi munzani.

FHUNGO LA MUZIMU

Litadulu na shango zwi do lovha; maipfi anga ha nga lovhi.
-Luka 21:33

Yesu a vha fhindula a ri: Ni khou xela; a ni divhi mañwalo, na maanda a Mudzimu a ni a divhi.
-Mateo 22:29

A huna na vhuporofita ho simulwaho nga u funa ha muthu; vhathu vhakhethwa vha Mudzimu vho ita u amba, vho hwaliwa nga Muya mukhethwa, zwi tshi bva ha Mudzimu.

-II Petro 1:21

Mañwalo othe, ma-hevhe-dzwanga-Mudzimu, na hone a a lamulela, kha u funza na kha

thovhedzo na kha u vhuyedzedza ndilani na kha u laya kulugele.
-II Timotheo 3:16

Mbiluni yanga ndi dzula ndo vhulunga zwe wa amba; ndi itela uri ndi si U tanutshele.
-Dzipsalme 119:11

Fhungo lau ndi denzhe la milenzhe yanga, ndi tshedza tsha ndila yanga.
-Dzipsalme 119:105

Muya ndi wone u neaho vhutshilo; nama a i shumi tshithu. Maipfi anga e nda amba na inwi ndi Muya, ndi vhutshilo.
-Yohane 6:63

Text copyright by the Bible Society of South Africa. Quotations from the Bible in Venda used by permission of the publishers.

Published in numerous languages by World Missionary Press as God supplies funds in answer to prayer. If you would like more copies for careful distribution, please write in English to:

**World Missionary Press, Inc.
P.O. Box 120
New Paris, IN 46553-0120 USA**

Zimbabwe

VEN